



## Te Tauāki ki Te Tiriti o Waitangi

### Kupu whakataki

E tūtohu ana mātou o Te Hiringa Mahara i Te Tiriti o Waitangi hei tūāpapa ture mō te mana Kāwanatanga ki Aotearoa nei.

E tūtohu ana mātou ki ngā takahitanga kino o Te Tiriti o Waitangi, ki ōna pānga ki te toiora o te Māori me tōna noho hei Tangata Whenua, ki te ngaukino o ngā raupatu me te kaikiri. E ū ana mātou ki te whakamutu i ngā mahi tūkino i te Māori, hei Tangata Whenua, otirā kia tūturu ki Te Tiriti o Waitangi. E tautoko ana mātou i te mahi whakaora, me te whakapaitanga ake o te hauora o te Māori.

Ka noho mātou hei hoa pūmau ki te Tangata Whenua puta noa i ā mātou mahi katoa. Ka mutu, ka noho ko Te Tiriti o Waitangi hei tarāwaho ki te whakaine me te tātari i ā mātou mahi katoa.

### Ko te Tuatahi - Whiti Tuatahi: Kāwanatanga

Mana Whakahaere -  
Ngā Whakahaere Tau

### Ko te Tuarua - Whiti Tuarua: Tino Rangatiratanga

Mana Motuhake - Te Iwi  
Taketake Ake

### Ko te Tuatoru - Whiti Tuatoru: Ōritetanga

Mana Tangata - Kia Tika, kia  
Tōtika - He Haepapa Matua te Mana  
Taurite mō te Mana Tangata



He mea waihanga a Te Hiringa Mahara hei aroturuki i te pūnaha o te hauora hinengaro me te toiora a te kāwanatanga. Ka whakapau kaha mātou ki te aroturuki i te kaikiritanga me te toihara puta noa i ngā ratonga o te hauora hinengaro, o te waranga me te toiora. Ka whakakanohi mātou mō ngā huarahi me ngā hōtaka o te pūnaha e whakatau ana i te kaikiritanga me te toihara inā ka tūtohungia mai.



Ka tauawhi mātou i te Mātauranga Māori hei tūāpapa taunaki. Ko tā mātou anō, he tautoko, he whakakanohi kia rahi ake ngā kōwhiringa kaupapa Māori mō ngā whānau e whakauru atu ana ki ngā ratonga o te hauora hinengaro, o te waranga me te toiora. Ka taunaki anō mātou i ngā huarahi a ngā iwi ki te oranga hinengaro, ki ngā waranga me ngā ratonga toiora, i runga i ō rātou mātauranga, pūkenga, tikanga hoki. Ka whakakanohi anō mātou kia piki ake te whai wāhitanga ki ngā rongoā me ngā tikanga whakaora a te Māori puta noa i te wāhanga hauora hinengaro, toiora hoki.



Ka manawanui mātou ki te whakahaepapa i te Māori mā ngā hohenga whakatūturu. Ka wero mātou i ngā pūnaha, i ngā hanganga, i ngā ratonga hoki, hei whakatau i ngā tōritenga me ngā toihara.

### Whakapuakitanga: Kupu Tauāki - Ritenga Māori Mana Māori - Te Ahurea Tuakiri me te Ngākau Tahī



Ka whakahaungia e mātou tēnei kawata, arā, me matatau ngā ratonga o te hauora hinengaro, o te waranga me te toiora, ki ngā tikanga ahurea, ā, mā mātou tēnei e āta aroturuki. E whakaae atu ana mātou ki te nui whakahirahira o te wairuatanga hei kaupapa whakaora, kaupapa whai wāhi hoki. Ka whakakanohitia e mātou te whai wāhi atu ki ngā tikanga tūturu o te ao Māori e whakanui ana i te whai wāhitanga.

### Nōku te Hē - inā ka hē mātou



Nā tō mātou tū hei whakahaerenga ū ki Te Tiriti o Waitangi, e pono ana he wā kua hapa mātou, heoi, e ū ana mātou kia ako ki ō mātou hapa, kia pai ai te whakatika. Ka mahi tahi atu mātou ki te Māori:

- Ki te whakatika i ō mātou hapa
- Ki te ako ki ō mātou hapa
- Ki te arotahi ki te anga whakamua e eke ai ngā whāinga tuari i roto i te wāhanga